

Nicolaus Schütze

Programma Quo Rector Universitatis Rostochiensis Nicolaus Schütze/ I.U.D. & Codicis Professor, Ad Exequias Quas ... Viro Henrico Prenger/ Civi huius urbis primario Liberi moestißimi hodie hora prima paratas cupiunt, Omnes omnium ordinum Cives Academicos sedulo invitat

Rostochii: Kilius, 1640

<http://purl.uni-rostock.de/rosdok/ppn772089507>


Druck Freier  Zugang




Schütze, N.,
in
H. Prenger.

Rostock. 1640.

29





PROGRAMMA

QUO

RECTOR

Universitatis Rostochiensis

NICOLAUS Schütze /

J. U. D. & Codicis Professor,

AD

EXEQUIAS

QUAS

HONESTISSIMO ET INTEGERRIMO VIRO

HENRICO

WELSER

Civi hujus urbis primario

Liberi maestissimi hodiè hora prima paratas cupiunt

Omnes omnium ordinum Cives

Academicos sedulò invitat.



ROSTOCHII,

Typis NICOLAI KILII, Acad. Typogr.

ANNO M. DC. XL.





Hsi nemo forte sit, qui
luctu absteineat, in suorum, quam-
libet maturo, ex hac vita disces-
sus; natura enim etiam invitis
id imperat: Tamen eorum, qui ætate confecti
& vivendo defessi sunt, obitus non tam lu-
ctum postulat, quam ut piè defunctis gratu-
lemur. Quidni enim id faciamus, ijs qui non
à vitæ solum, sed ætatis molestia liberati in-
portu felicitatis nullo tempestatis aut alterius
violentiæ periculo turbandæ navigant? Ac-
cusari solet senectus, & senum querelæ fre-
quentes audiuntur, quod avocet à rebus ge-
rendis, quod corpus faciat infirmum, quod
privet omnibus ferè voluptatibus, quod haud
procul absit à morte; nec istæ querelæ quam
justæ sint nunc disputamus præsertim ultima
illa de mortis vicinia: quæ perinde est, ac si
nauta portui vicinus, de eo conquestus, cala-
mitatem suam deploret. Ab his ergò que-
relis liberari, nonne res est gratulatione po-
tius, quam luctu digna? Igitur causa non
est,

est, ut vel nos vicem honorati Viri Dn. HEN-
RICI PRENGER senis ultra septuagenarij
doleamus, vel ejus liberi & propinqui obitum
longævi parentis lugeant, cujus præsentia,
consilio, auxilio usi, quæ ab illo acceperunt
beneficia sine querela ad posteros transmit-
tant. Sed vitæ seriem videamus. Natus au-
tem est hac in Urbe Anno seculi superioris
sexagesimo septimo XXIX. die Novembris
inter 6. & 7. matutinam: patre quidem Dn.
HENRICO PRENGER p. m. Cerevisia-
rio & Mercatore industrio, Templi S. Mariani
& ærarij publici per annos bene multos præ-
fecto fidelissimo; matre verò MARGARETA
von Rheden p. m. Nobilissimi Dn. HULDE-
RICI à Rheden Capitanei & militiæ armatæ,
ut equestris ordinis hominem decebat, ante-
signani ac ducis bellicosissimi & ANNÆ
Wollenbøferiæ ex præcipua & honesta fami-
lia natæ, filia. Avum habuit paternum sibi
& patri cognominem, ex Westphalia orin-
dum Equestris militiæ præfectum, postea Ci-
vem hujus urbis & Mercatorem primarium,
virum non minus belli fortem, quam domi pa-
cis cultorem studiosissimum. Aviam GAR-

D 2

TRAU.

TRAUTAM Dn. HENRICI *Leferdes* /
Senatoris olim in hac Rep. patria Amplissimi
filiam. His majoribus ortus & in hanc lucem
editus à peccati inquinamentis, postea insti-
tutionis capax, ad vera pietatis virtutumque
exercitia, *εν παιδεία καὶ ὑπεροχῇ κρησ* juxta præcep-
tum Apostoli, indefessa parentum cura pro-
moveretur & educatur: utq; institutioni nihil
deesset, Ludimagistris tum publicis, ea ætate
apud nos Scholæ patriæ jam tum primum,
exordia sumentis, tum privatis, optimis qui-
buscunq; commissus, politionis literaturæ
fundamenta postquam jecisset uberioris in-
genij cultus ergò ad vitam Academicam ani-
mum appulit. Quia verò fors & occasio id
temporis ita suadebat, ingeniumq; ipsius à li-
teris ad mercaturam declinare inciperet, suasu
patris peregrinationis ergò iter suscepit in su-
periolem Germaniam, Bohemiam, Austriam,
(& in ea Viennam, sedem Imperatoris) Hun-
gariam, & in ea Presburgum usq; excurrit &
perlustravit. Deinde in patriam reversus,
promovendæ mercaturæ in Hispaniam & Lu-
sitaniam navigavit, ubi in Emporio opulen-
tissimo ac toto orbe celeberrimo Lisbona rem
fecit.

fecit: Postea in Livoniam & Curlandiam,
Danim & Norvegiam eadem de causa abiit,
Gedaniq; eodem tempore florente mercatura
aliquandiu commoratus ita aliquot annos e-
mendo vendendoq; transegit: Tandem satur
peregrinae mercaturæ in patriam redijt & An-
no Domini 1594, ætatis XXVI. propriam
domum instituere & vitæ sociam sibi eligere
decrevit. Itaq; sibi elegit Virginem pietate
& virtute ornatissimam ANNAM Viri opti-
mi Dn. NICOLAI PAPKEN p. m. Civis
ac Mercatoris primarij, ædis Marianæ præfecti,
filiam, eamq; solenni ritu sibi junctam die
XX. mensis Augusti domum duxit. Ex eo
conjugio pacato ac tranquillo suscepit filios
tres, HENRICUM, NICOLAUM, UL-
RICUM, filias duas MARGARETAM
& ANNAM. Quarum illa annis puerilibus
morta, cæteri adhuc DEI gratia, superstites:
HENRICUS liberalium artium Magister,
Ecclesiæ Parchimensis ad D. Georgij Archidi-
aconus fidelissimus, NICOLAUS *Philares*
politiorisq; literaturæ cultor, UDALRICUS
Civis in Norvegiæ regno. ANNA nunc con-
nubiali foedere juncta Clarissimo, Consultissi-

mo Dn. FRIDERICO CORFEO J. U. D.
Consuli & Syndico Gultroviensi amplissimo.
Mortua prima hac uxore, quæ desiderium
sui non parvum reliquit, ad secunda connubia
transijt Anno hujus seculi sexto, die Septem-
bris undecima, ac domum duxit, lectissimam
Virginem ELISABETHAM integerrimæ
Viri Dn. JACOBI LINDEMANNI Ci-
vis primarij filiam, ex qua sex liberos genuit,
JACOBUM JOHANNEM, primum, JOHAN-
NEM, secundum, negotiatorem Bergensem,
CHRISTIANUM SS. Theologiæ in Academia
Regiomontana Studiosum, DOROTHEAM,
Spectatissimo Dn. SIMONI GERKENS Civi
& negotiatori hac in civitate primario nu-
ptam & BERNHARDUM. Ita hoc in conju-
gio totos triginta quatuor annos tranquillè &
jucundè vixit: donec tandem hujus militiae
cursu, in fide & bona conscientia ad septuaginta
quatuor annos peracto, vitã sine tranquillo
& beato conclusit. Cum enim die mensis præ-
teriti sexto decimo graviter decumbere cœ-
pisset, vires autem tot annorum laboribus es-
sent consumptæ, die 29. ejusdem prædicti
mensis, hora ad vesperam sexta, in vera DEI
agni

agnitione & invocatione, inter suspiria, lacru-
mas & preces presentium, hanc vitam cadu-
cam cum ista immortali commutavit, & co-
ronam, benè in hujus vitæ stadio currentibus
promissam, adeptus est. Quid est in hujus Viri
vita, quod querelam postulet? Vidit quidem
& expertus est plurima, quæ non voluit, at,
quæ voluit forte non pauciora: Adversam for-
tunam patientia & constantia superavit, secun-
dam sine fastu & insolentia accepit, rem fa-
miliarem & liberos florentes vidit, corporis
viribus ad senectutem usq; , si non athleticis,
tamen firmis & ætati convenientibus usus,
pietatem DEO, integritatem sibi & conscien-
tiæ, fidem, studium, operam proximo proba-
vit, inter spinas calceatus, inter procellas, qua-
les belli tempore neq; paucas, neq; leves co-
actus est sustinere, pileatus: planè ad exem-
plum apud Poëtam qui tectus tenet se,
& sustinet omnem vim tempestatis, dum
pluit in terris, ut possit sole reducto exerecere
diem: Sic ille meliori tempori se reservavit,
& quicquid adversi ingruit, vel fortiter exce-
pit, vel prudenter declinavit. Itaq; exem-
plum in hoc viro habemus hominis inter va-
rias

rias fortunæ adversitates, in humanæ vitæ
fragilitate, in casibus quotidianis, tamen
civiliter beatitudine præditi & ab hac in cœ-
lestem, sine dubio & periculo profecti.
Imitemur, ô Cives Academici, virum simplici
pietate, candore, probitate præditum ac de-
functum, & frequentia nostra in funere du-
cendo testemur seriò, nos virtutes istas amare
& præmium vitæ longævæ à DEO summo
dispensatore & arbitro expectare. P.P.


Rostochij sub sigillo Rectoratus

3. Novemb. Anno

1640.

Conventus fiet hodiè hora pri-
ma in templo Jacobæo.







fecit: Postea in Livoniam & C
Daniam & Norvegiam eadem d
Gedaniq; eodem tempore floren
aliquandiu commoratus ita aliq
mendo vendendoq; transegit; T
peregrinæ mercaturæ in patriam
no Domini 1594. ætatis XXV
domum instituere & vitæ social
decrevit. Itaq; sibi elegit Virgi
& virtute ornatissimam ANNA
mi Dn. NICOLAI PAPKE
ac Mercatoris primarij, ædis Mari
filiam, eamq; solenni ritu sibi
XX. mensis Augusti domum du
conjugio pacato ac tranquillo
tres, HENRICUM, NICOL
RICUM, filias duas MARG
& ANNAM. Quarum illa ant
mortua, cæteri adhuc DEI grati
HENRICUS liberalium artiu
Ecclesiæ Parchimensis ad D. Geo
aconus fidelissimus, NICOL
politiorisq; literaturæ cultor, U
Civis in Norvegiæ regno. ANN
nubiali foedere juncta Clarissim

D 3

